

# La BCG engrondescha sia sedia regiunala a Lai

## Renovaziun da la sala da clients ed engrondiment da la zona da cussegliaziun

**Cuira, ils 7 d'october 2019 – Glindesdi proxim cumenza la BCG a renovar sia sedia regiunala a Lai. D'ina vart modernisescha ella la sala da clients e da l'autra vart engrondescha ella sias localitads. Las clientas ed ils clients profiteschan a partir dals 2 da december 2019 d'ina nova purschida da cussegliaziun en in ambient modern.**

Ils basegns da la clientella visavi ina banca moderna èn sa midads. Las clientas ed ils clients fan adina dapli fatschentas da banca via ils chanals electronics. Adina pli paucas personas tiran daner contant al spurtegl. En las filialas van ellas surtut per sa laschar cussegljar persunalmain. La BCG reagescha sin quest svilup ed adattescha cun [la sedia regiunala a Lai](#) la proxima filiala pli gronda a questas pretensiuns.

### Dapli cussegliaziun en in ambient modern

Dals 14 d'october fin ils 29 da november 2019 transfurmescha la BCG cumplettaimain sia sala da clients en la sedia regiunala a Lai. D'ina vart modernisescha ella la sala da clients e da l'autra vart engrondescha ella sias localitads. I dat ina nova zona cun stanzas da cussegliaziun ed ulteriuras localitads da biro per las collavuraturas ed ils collavuratur. Durant il temp da renovaziun stattan a disposiziun tut las purschidas en in provisorio da banca en il medem lieu. Suenter la transfurmaziun èsi sa chapescha vinavant pussaivel da retrair daner contant en la sala da clients, en l'avegnir simplamain als automats moderns. La BCG a Lai è averta a partir dals 2 da december sco enfin ussa da glindesdi fin venderdi da las 8.30 fin las 12.00 e da las 14.00 fin las 17.00.

### Il contact persunal stat en il center – las soluziuns digitalas vegnan amplifitgadas

«Discurs da cussegliaziun individuals èn sin dumonda betg mo pussaivels en banca, mabain er a chasa tar las clientas ed ils clients», accentuescha Marco Dangel, manader da la regiun da Lai, l'impurtanza dal contact persunal. A medem temp investescha la BCG en sias purschidas digitalas che duain simplifitgar ils affars da banca per ils clients. In exempel è il [center da clientella](#), nua ch'ils clients pon empustar online daner contant e laschar trametter quel per posta a chasa u era fixar in termin da cussegliaziun. Dapli davart las soluziuns online per reglar las fatschentas da banca da tuttas uras sin [gkb.ch/digital](http://gkb.ch/digital).

### Contact per ils collavuratur da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [Instagram](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per personas privatas, l'economia ed il maun public. La banca occupa 999 collavuraturas e collavuratur (stadi dals 30-06-2019). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestral preschenta ella cun ina summa da bilantscha da CHF 26,6 milliardas in gudogn dal concern da CHF 100,5 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Quint annual 2019: 7 da favrer 2020

Radunanza dals participants: 25 d'avrigl 2020

---